

## GAZTERIA ETA KIROL DEPARTAMENTUA

### KIROL JARDUERETARAKO DIRU-LAGUNTZAK ESKATU ETA

### EMATEKO ARAUTEGIA

#### 1.- GAIA:

Arautegi honen helburua da Pasaia irabazi-asmorik gabeko elkarte eta kirol klubei laguntza ekonomikoak eskatu eta emateko irizpideak arautzea Pasaia udalerrian antolatzen dituzten kirol egitarau eta jarduerak egiteko.

Diru-laguntzak ondorengo moduan sailkatuko dira:

- Urteko jarduerak
- Ezohiko jarduerak: aparteko izaera izateagatik urteko programaketa egiterakoan aurrez ikusi ez direnak ezohikotzat joko dira. Gazteria eta Kirol Departamentuak erabakiko du jarduera bakoitza "ezohikoa" den ala ez.

#### 2. AURREKONTUAREN AURREIKUSPENA:

Pasaia Udalak urtero kirol diru-laguntzetarako aurrekontuaren partida bat izango du. Diru-laguntzen zenbatekoa ebazpenaren unean dagoen diru-kredituaren arabera izango da.

#### 3. IRIZPIDE OROKORRAK:

- a) Diru-laguntza borondatezkoa eta behin-behinekoa izango da. Diru-laguntza emateak ez du udala horretara derrigortzen, ez eta gerora eman daitezkeen diru-laguntzetan eskubiderik edo aurrekaririk ezartzen.
- b) Diru-laguntza jasotzen duten elkarteek 9. puntuan jasota dauden hizkuntza-baldintzak bete beharko dituzte.

#### **4.- ONURADUNAK:**

---

Dirulaguntza **Pasaiko udalerrian** kirol arloan egitasmoak bultzatzen dituen irabazi-asmorik gabeko **edozein elkartek edo kirol-klubak** eskatu ahal izango du.

Elkartek, Elkarteen Udal Erregistroan izena emanda egon behar dute. Dena dela, salbuespen gisa, zenbaitetan onartu ahal izango dira Eusko Jaurlaritzako Elkarteen Erregistroan edo beste erregistro publikoren batean izena emanda duten elkarteak puntualki Pasaian jardueraren bat egiten badute eta instituzioen presentzia interesgarritzat jotzen bada.

Elkartek Pasaikoak izateko Pasaian bertan eduki behar dute egoitza. Horrezaz gainera, elkarteko kirolarien artean gutxienez %25a pasaitarra izango da, edota euren kirol jarduerak Pasaian egingo dituzte. Pasaian egiten ez diren kirol jarduerak ez dute dirulaguntzarik jasoko.

#### **5.- ESKAERAREKIN BATERA AURKEZTU BEHARREKO DOKUMENTAZIOA:**

---

Gazteria eta Kirol Departamentuaren dirulaguntzetarako eskaera-orria bete behar da. Eskaera-orri hau Udaleko Erregistroan edo Gazteria eta Kirol Departamentuan aurkeztu behar da ondorengo dokumentazioarekin batera:

- ✓ Elkarteen Udal Erregistroan edo, salbuespen gisa, Eusko Jaurlaritzaren Elkarteen Erregistroan izena emanda dagoela adierazten duen agiria.
- ✓ Urteko ohiko jardueren egitasmoa edo ekintza zehatzaren egitasmoa:
  - Ekintzen programa. Datak eta epeak, metodologia, aurreikusten diren helburuen zehaztapenak, zein herritarri zuzenduta dagoen, etab...
  - Sarreraren eta gastuen aurrekontu zehatza. Sarreraren kasuan, nondik eta zenbat jasotzen den zehaztuko da. Gastuetan, zertan eta zenbat gastatu den.
- ✓ Jardueraren urtea islatzen duen publikitatea.
- ✓ Jardueran parte-hartu dutenen izen-abizenak eta NANA edota beste egiaztagiriren bat.
- ✓ Ikuslegoaren argazki edo bideo zati bat.
- ✓ Komunikabideetan atera dela erakusten duen dokumentu idatzia.
- ✓ Elkartearen urteak ziurtatuko dituen dokumentua.
- ✓ Federazioko ziurtagiri bat honako datu hauekin:
  - Lizenzia kopurua.
  - Errendimenduko eta jolas eta kiroleko lizenzia kopurua.
  - Pasaitarra den edo ez (udaleko errolda-agiriak ere balio du azken honetarako eta izen-abizenak eta NAN-a edota beste egiaztagiriren bat jasotzen dituen zerrenda bat eranstea nahikoa izango da).
  - Lehia-maila edo parte-hartze esparrua.
- ✓ Elkarteen artean eginiko jardueren kasuan, elkarteen arteko hitzarmena.
- ✓ Klubean lan egiten dutenen titulazioa; orijinala edo konpultsatua.
- ✓ Pasaiko Gazteria eta Kirol Departamentuarekin eginiko hitzarmenak.

## 6. ESKAERA AURKEZTEKO EPEA:

---

**Urteko ohiko jardueretarako** diru-laguntza eskaerak dagokion deialdian zehazten den epean aurkeztu behar dira.

**Ezohiko jarduerentzako** eskaerak, gutxienez, ekintza egin baino hilabete t'erdi lehenago eskatuko dira.

Eskaera-orrian edo honekin batera aurkeztu beharreko dokumentazioan akatsak edo hutsuneak daudenean elkarteei hamar eguneko epea emango zaie horiek zuzentzeko, eta epe hori amaituta zuzenketarik ez badute, ezin izango dute diru-laguntzarik jaso eta espedientea artxibatu egingo da. Era berean, datuak ezkututzen edo desitxuratzen badira diru-laguntza jasotzeko eskubidea galduko da.

## 7.- PUNTUAZIO-SISTEMA:

---

- Urteko programa guztiei emateko dagoen diru-kopuru guztia eta ebaluazioaren arabera klub edo entitateek lortu duten puntu guztien zatiketa egin eta eragiketa horrek puntu baten balore ekonomikoa emango du.
- Puntu batetik ateratzen den balore ekonomikoa bider klub edo entitateek lortzen dituzten puntuek zehaztuko dute eman beharreko diru-laguntzaren kopurua.
- Baloraziorako adierazleak eta horien puntuazioa honako hauek dira:

### 1. Ekintzen balorazioa: 18 puntu

- ⇒ Ekintzak egitasmo baten barruan sartuta dauden. \_\_\_\_\_ 3 puntu
- ⇒ Egitasmoaren kalitatea eta antolaketa (programak, inkestak...) \_\_\_\_\_ 3 puntu
- ⇒ Bertako kirolen sustapena. \_\_\_\_\_ 3 puntu
- ⇒ Ekintza kopurua. \_\_\_\_\_ 3 puntu
- ⇒ Ekintzaren aldizkakotasuna. \_\_\_\_\_ 3 puntu
- ⇒ Emakumeak, 3. adinekoak eta elbarrituak kirol munduan parte-hartzea sustatzea (bai praktikan, bai zuzendari, kudeatzaile edo teknikari modura) \_\_\_\_\_ 3 puntu

### 2. Ekintzen izaera: 20 puntu

- ⇒ Ekintzaren antzinatasuna. 5 puntu
  - 1-3 urte \_\_\_\_\_ puntu 1
  - 4-6 urte \_\_\_\_\_ 2 puntu
  - 7-9 urte \_\_\_\_\_ 3 puntu
  - 10-15 urte \_\_\_\_\_ 4 puntu
  - 15 baino gehiago \_\_\_\_\_ 5 puntu
- ⇒ Parte-hartzaile kopurua. 5 puntu
  - 25-75 parte-hartzaile \_\_\_\_\_ puntu 1
  - 76-150 parte-hartzaile \_\_\_\_\_ 2 puntu
  - 151-250 parte-hartzaile \_\_\_\_\_ 3 puntu

- 251-500 parte-hartzaile \_\_\_\_\_ 4 puntu  
 500 baino gehiago \_\_\_\_\_ 5 puntu
- ⇒ Ikusle kopurua. 5 puntu
- 25-75 parte-hartzaile \_\_\_\_\_ puntu 1  
 76-150 parte-hartzaile \_\_\_\_\_ 2 puntu  
 151-250 parte-hartzaile \_\_\_\_\_ 3 puntu  
 251-500 parte-hartzaile \_\_\_\_\_ 4 puntu  
 500 baino gehiago \_\_\_\_\_ 5 puntu
- ⇒ Ekintzaren oihartzuna. 5 puntu
- Euskal Herriko komunikabideetan \_\_\_\_\_ 5 puntu  
 Lurraldean \_\_\_\_\_ 4 puntu  
 Bailaran \_\_\_\_\_ 3 puntu  
 Herrian \_\_\_\_\_ 2 puntu

\*Oharra: Idatzizko komunikabideak izan beharko dira.

### 3. Elkartearen izaera: 21 puntu

- ⇒ Elkartearen ibilbidea, jarraitasuna, finkotasuna eta dedikazioa. 3 puntu
- 1-2 urte \_\_\_\_\_ 0,5 puntu  
 3-18 urte \_\_\_\_\_ puntu 1  
 19-36 urte \_\_\_\_\_ 2 puntu  
 36 baino gehiago \_\_\_\_\_ 3 puntu
- ⇒ Pasaitarren lizentzia izateagatik. 12 puntu
- 1-4 pasaitar \_\_\_\_\_ puntu 1  
 5-20 pasaitar \_\_\_\_\_ puntu 2  
 21-40 pasaitar \_\_\_\_\_ 4 puntu  
 41-60 pasaitar \_\_\_\_\_ 6 puntu  
 61-80 pasaitar \_\_\_\_\_ 8 puntu  
 81-100 pasaitar \_\_\_\_\_ 10 puntu  
 100 baino gehiago \_\_\_\_\_ 12 puntu
- ⇒ Pasaitarrak ez direnen lizentziak. 6 puntu
- 1-10 ez pasaitar \_\_\_\_\_ puntu 1  
 10-30 ez pasaitar \_\_\_\_\_ puntu 2  
 31-60 ez pasaitar \_\_\_\_\_ 4 puntu  
 60 baino gehiago \_\_\_\_\_ 6 puntu

### 4. Aurrekontua eta defizitaren arteko proportzioa: 14 puntu

Ondoko formula hau erabiliko da:

$$\frac{\text{Aurrekontua-defizita}}{\text{Aurrekontua}}$$

- ⇒ 0 – 0,2 \_\_\_\_\_ 4 puntu  
 ⇒ 0,2 – 0,4 \_\_\_\_\_ 6.5 puntu  
 ⇒ 0,4 – 0,6 \_\_\_\_\_ 9 puntu

- ⇒ 0,6 – 0,8 \_\_\_\_\_ 11.5 puntu  
 ⇒ 0,8 – 0,9 \_\_\_\_\_ 14 puntu

**5. Lokalik ez edukitzea eta udalaren beste diru-laguntzarik ez jasotzea: 2 puntu**

- ⇒ Udalaren lokala badu \_\_\_\_\_ 0 puntu  
 ⇒ Udalaren lokala beste talde batzuekin batera erabiltzen du \_\_\_\_\_ 1 puntu  
 ⇒ Lokala badu. Jabegoan edo alokairuan \_\_\_\_\_ 2 puntu

**6. Beste erakunde batzuekin harremanetan egindako programak: 3 puntu**

- ⇒ Gehienez ere 3 puntu, ekintza bakoitzeko bat

**7. Helduentzako jarduerak euskaraz: 6 puntu**

- ⇒ %1 - %25 \_\_\_\_\_ 1,5 puntu  
 ⇒ %25 - %50 \_\_\_\_\_ 3 puntu  
 ⇒ %50 - %75 \_\_\_\_\_ 4,5 puntu  
 ⇒ %75 - %100 \_\_\_\_\_ 6 puntu

**8. Herriko elkarteen sustapena: 20 puntu**

- ⇒ Kirol sekzio kopurua: 3 puntu

Sekzio 1 \_\_\_\_\_ puntu 1  
 2 sekzio \_\_\_\_\_ 2 puntu  
 3 sekzio edo gehiago \_\_\_\_\_ 3 puntu

- ⇒ Errendimenduko lizentzia kopurua<sup>1</sup>:

1 edo 2 talde/ 8 edo 25 kirolari \_\_\_\_\_ puntu 2  
 3 edo 4 talde/ 26 edo 45 kirolari \_\_\_\_\_ 4 puntu  
 5 edo 6 talde/ 46 edo 65 kirolari \_\_\_\_\_ 6 puntu  
 7 edo 8 talde/ 66tik gora \_\_\_\_\_ 8 puntu

- ⇒ Jolas eta kirol lizentzia kopurua:

1-8 kirolari \_\_\_\_\_ puntu 1.5  
 9-16 kirolari \_\_\_\_\_ 3 puntu  
 17-25 kirolari \_\_\_\_\_ 4.5 puntu  
 26-34 kirolari \_\_\_\_\_ 6 puntu  
 35-50 kirolari \_\_\_\_\_ 7.5 puntu  
 50 baino gehiago \_\_\_\_\_ 9 puntu

**9. Kalitatearen sustapena atal teknikoetan, barne antolakuntzakoetan eta administratiboetan: 13 puntu**

- ⇒ Jarduera Fisiko eta Kirol Zientzietan lizentziatu kopurua. 4 puntu

<sup>1</sup> Kasu honetarako, dagokion federazioaren kodigoa edo araudia aztertuko da.

- Lizentziatu 1 \_\_\_\_\_ 2 puntu  
2 edo gehiago \_\_\_\_\_ 4 puntu
- ⇒ Hezkuntza Fisikoan espezializatutako Oinarrizko Hezkuntza Orokorreko Irakasle kopurua. 3 puntu
- Irakasle 1 \_\_\_\_\_ 1.5 puntu  
2 edo gehiago \_\_\_\_\_ 3 puntu
- ⇒ Jarduera fisiko eta kirol animazioaren teknikari kopurua. 2 puntu
- Teknikari 1 \_\_\_\_\_ puntu 1  
2 edo gehiago \_\_\_\_\_ 2 puntu
- ⇒ Ingurune naturalean kirol jarduera fisikoak bultzatzeko teknikari ertainen kopurua
- Teknikari 1 \_\_\_\_\_ 0.5 puntu  
2 edo gehiago \_\_\_\_\_ puntu 1
- ⇒ Erantzukizun teknikoak eta prestakuntza ez-arautua dituzten pertsona kopurua (monitoreak, entrenatzaileak...)
- Pertsona 1 \_\_\_\_\_ 0.5 puntu  
2 edo gehiago \_\_\_\_\_ puntu 1
- ⇒ Epaile, arbitro edo antzekoen kopurua.
- Pertsona 1 \_\_\_\_\_ 0.5 puntu  
2 edo gehiago \_\_\_\_\_ puntu 1
- ⇒ Bestelako teknikari kopurua (fisioterapeuta, medikua, kirol enpresen zuzendaritza eta administrazioan espezializatua,...):
- Teknikari 1 \_\_\_\_\_ 0.5 puntu  
2 edo gehiago \_\_\_\_\_ puntu 1

### 10. Lehia maila edo parte-hartze esparrua: 18 puntu

- ⇒ Nazioarte edota estatu mailan \_\_\_\_\_ 8 puntu
- ⇒ Euskal Herrian \_\_\_\_\_ 6 puntu
- ⇒ Gipuzkoan \_\_\_\_\_ 4 puntu

### 11. Pasaia Udaleko Gazteria eta Kirol Departamentuarekin kolaborazioa: 12 puntu

- ⇒ Ekintza batean \_\_\_\_\_ 4 puntu
- ⇒ 2 ekintzetan \_\_\_\_\_ 8 puntu
- ⇒ 3 edo gehiagotan \_\_\_\_\_ 12 puntu

GUZTIRA= 147 PUNTU

\* Oharra=50. Urteurrenaren kasuan, gehiengo dirulaguntza 600 eurokoa izango da eta 75. Urteurrenaren kasuan 750 eurokoa.

## 8.- EBALUAZIOA:

---

Gazteria eta Kirol Departamentuak eskaerak aztertu eta ebaluatu egingo ditu. Ondoren organo eskudunari egingo dio proposamena.

Kluben batek udalaren instalazioak erabiltzeagatik zorren bat badu, dagokion diru-laguntzatik zorraren kopurua kitatuko da.

Ondoren aipatzen diren eskaerek ez dute diru-laguntzarik jasoko:

1. Eskola Kirola egitasmoa.
2. Inbentarioko materiala erosteko (altzariak, informatika eta ikus-entzunezko materiala,...)
3. Bulegoko gastuak ordaintzeko.
4. Lokaletan konponketak eta obrak egiteko
5. Nominak eta lansariak ordaintzeko.
6. Otorduak.

## **9. HIZKUNTZA BALDINTZAK**

---

Euskararen erabilera normalizatzeko ahalegin handia egiten ari da Udala azken urteotan eta honekin batera baita euskalgintzan diharduten beste hainbat erakunde eta elkarte ere. Baliabide ekonomiko asko eskatzen ari da prozesu hau, eta dirulaguntzen banaketa ere euskararen erabilera sustatzeko neurriekin bat etor dadin, ondorengo hiru ataletan arautu nahi da elkarten hizkuntza erabilera:

- 1.- Ekitaldi publikoak eta argitaratzen diren idatzi, iragarki, propaganda, publizitatea,...:  
Pasaiako euskararen erabilera normalizatzeko udal ordenantzaren 45. artikuluan 1. puntuan jasota dagoena derrigorrez bete beharko dute elkarteek dirulaguntza jaso nahi badute.  
Beraz, jardura subentzionatuetan argitaratzen diren idatzi, iragarki, ohar, propaganda, publizitate eta gainerakoak euskaraz edo euskaraz eta gaztelaniaz idatzi eta ezagutzera eman beharko dira.  
Ekitaldi publikoetan ere, ahozko zein idatzizko jarduna euskaraz edo euskaraz eta gaztelaniaz egin beharko da, beti ere euskarari lehentasuna emanaz.

- 2.- Elkarrekin antolatzen dituen jarduerak:

Pasaiako Udalak, euskararen normalizaziorako lehentasunezko esparru eta adin taldeak ezarriak ditu. Haur eta gazteak eta hauen inguruneak edo errealitateak dira lehentasun.

Pasaiako haur eta gazteen %99 euskal ereduaren ikasten ari da, eta eskolatik kanpora ere jarduerak euskaraz egi- teko aukera eskaintzen ez bazaie, eskolan jasotzen ari diren hizkuntza finkatu ez eta, kasu askotan, gainera galdu ere egiten dute. Horrexegatik, eskolaz kanpo duten errealitateetan eragitea oso garrantzitsua da haur eta gazte hauek euskara naturaltasunez jaso eta erabil dezaten. Beraz, bai familia eta baita eskolorduz kanpoko jarduerak ere oso esparru garrantzitsuak dira eta hauetan eragin behar dugu. Udala ari da ahalegin horretan, baina herriko gainontzeko elkarteek ere antolatzen dituzue hauentzako jarduerak, eta zuek ere ahalegin horretara bideratzeko ezarri nahi dira ondorengo baldintza hauek.

Udalak ezarrita dituen lehentasunei jarraiki, bi atal bereiziko dira puntu honetan; batetik, haur eta gazteei zuzenduriko jardueretarako hizkuntza baldintzak jasoko ditugu, eta bestetik, heldu eta nagusientzat antolatzen diren jardueretarako.

- 2.1. Haur eta gazteentzako jarduerak:

2-18 urte bitarteko haur eta gazteentzako jarduerak euskaraz antolatzen dagoen beharrari erantzuteko, elkarteek haientzat antolatzen dituzten jarduerak euskalduntzeko neurriak hartu behar dituzte. Udalak ahalegin hori hasi zuen Eskolatik kalera egitasmoarekin orain 6 urte; hitzarmenak sinatu zituen herriko elkarteekin bide horretan bere laguntza eskaintzeko. Orain, ordea, hurrengo urratsa emateko garaia iritsi dela irizten du eta diru-laguntzagai izango diren jardueretako hizkuntza erabilera arautu nahi du.

Haur eta gazteek jarduerak euskaraz behar badituzte hala antola ditzaten eskatuko die Udalak elkartei, gaur egun gainera gehienek hala egiten dute jada. Eta, oraindik ere gaztelaniaz antolatzen dituzten elkar teei euskaraz antolatzeko epe bat jarriko die, progresiboki neurriak hartzen joan daitezten.

Bost urteko epean Pasaiako haur eta gazteei jarduera guztiak euskaraz eskaintzea dugu helburu, eta diru laguntza banaketan ere epe hori ezarriko dugu. Beraz, baldintza horiek betetzen ez dituen elkarteari diru-laguntza zati bat kendu egingo zaio, ondoren zehazten den modu honetan:

- 2002/2003 ikasturtean, hizkuntza baldintza hau betetzen ez duen elkarteari dirulaguntza %5 murriztuko zaio.
- 2003/2004 ikasturtean, %10.
- 2004/2005 ikasturtean, %15.
- 2005/2006 ikasturtean, %20.
- 2006/2007 ikasturtean, %25.

Hortik aurrera, baldintza hori betetzen ez duen elkarteari jarduera horretarako ez zaio dirulaguntzarik emango.

## 2.2. Heldu eta nagusientzako jarduerak:

Adin tarte hauetan euskaldun gutxiago dago baina hauekin bilduko dituen taldeak ere osa daitezkeenez, ahalegin hori egiten duen elkarte saritzea da atal honen xedea. Beraz, jarduerak euskaraz antolatzen dituen elkarteari jarduera horiek gehienez ere 6 punturekin baloratuko zaizkio, eranskineko 7. puntu adierazten den moduan eta beraz, dirulaguntza gehiago jasoko du.

## 3.- Elkartearen beraren eguneroko jarduna:

Elkarteko eguneroko jardunean ere euskara sustatzeko neurriak hartzen saiatuko da elkarte, elkarteko kideen arteko euskararen erabilera areagotzeko: barne bileretan, barne idatzi eta errotuluetan eta abarretan.

## **10.- DIRU-LAGUNTZAREN ZENBATEKOA, BIDERAKETA ETA ORDAINKETA:**

Ordainketak dagokion udal organoak diru-laguntzak onartu ondoren egingo dira. Ohiko bideak erabiliko dira horretarako.





## **11.- OINARRIAK BETETZEN EZ DIRENEAN:**

---

Oinarri hauetan ezartzen direnak betetzen ez badira edota diru-laguntza ematean eginbeharren bat betetzen ez bada, tramitazioa berraztertu egingo da. Hala behar denean, dirulaguntza deuseztatu egingo da edota emandako diru-kopurua gutxitu.

## **12.- DIRU-LAGUNTZAK KONTROLATZEA:**

---

Taldeek jarritako datuak egiazkoak direla eta diru-laguntzak ongi erabiltzen direla egiaztatzeko, Gazteria eta Kirol Departamentuak berraztertzeko ahalmena izango du.

Arautegi honetan zalantzarik sortzen bada, Gazteria eta Kirol Departamentuak horri buruz erabakiko du.